

Надежда Павлова

ШОНДІА АСЫВ!



Олӧмӧй,
тэ тай виччысьӧм кодъ.
Мый и вичча, Кодӧс вичча,
Мыйысь виччыся?
Мый нӧ лоӧ сэк, Дугда кӧ?

Надежда ПАВЛОВА

ШОНДІА АСЫВ!

Кывбурьяс



Сыктывкар
Коми небӧг лэдзанін
2006

ББК 84(2Рос=Ком)
К82

Серпасалис *Л.Ю.Щербакова*

Павлова Н.М.

К82 Шондіа асыв! Кывбуръяс. – Сыктывкар:
Коми небӧг лэдзанін, 2006. – 48 л.б.

ISBN 5–7555–0865–8

Надежда Павловалӧн кывбуръясын эм мый нимкодъмӧдӧ,
и жугыльтӧ ловтӧ, мый дойдӧ, и мый бурмӧдӧ сьӧлӧмтӧ – ста-
выс, мый шусьӧ морт олӧмӧн.

ББК 84(2Рос=Ком)

© Павлова Н.М., 2006

© Тимин В.В., составление, 2006

© Щербакова Л.Ю., оформление, 2006

ISBN 5–7555–0865–8

© Коми книжное издательство, 2006

ЧУЖАН МУОЙ

Коді нө ме кыланөн сёрнитас да сьылас,
Коді нө ме сьёлөмөн чужанінөс кылас?
Коді нө ме синьясөн тэнсьыд мичтө аддзас,
Коді нө став ловтырнас ме моз тэлань вартчас?

Мед ог чуксав шонді ме, ог куж өзтны төлысь,
Гашкө, коркө лоа жө налысь дзирдтор новлысь.
Мый ог кывсьы ним-вичөн, овнам төдтөм мортлы,
Ньоти өд ог та понда шогсьы, муса ёртөй.

Кольө менам видзөдлас, лов би, сьёлөм-сьылан,
Коля югыд лачаён аслам чужан кылын.
Лоо на бур сьёлөмөн донаинөс кылысь,
Лоо авья кыланөн сёрнитысь да сьылысь.

ЛОВ ЛЭПТАНИН

Чугун гөра. Сав Вань пурись...
Кымын вөвлі ветлысь-мунысь,
Кымын нэм нин тэныд тыри,
Сьөлөм ортөдз гажой быри.
Ольо кырийой, Миня шорой,
Сем му овмөс, Семуковой!
Эзысь сьөлөм сі, Ен пельөс...
Юксян буретш сизим пельө.
Мусюр помысь сизим шорөн
Кисьтан ловва сизим горөн.
Сизим мылькья, сизим кырья...
Быттьö вына багатырьяс
Сулалöны Эжва пөлөн,
Му шар шöрас – Сем му йöрын.
Ен дзирд садьой менам тані,
Выной, гажой, шуд-таланой
Кыддза раскысь, козья вöрысь,
Луд выв отысь – ловлөн дöра.
Мам-бать гөлөс кыла: «Лок нин,
Сьөлөмтö көть, нылöй, кокньөд...»
Муслун пыткас вошла ойбыр,
Петас паныд, кыдзи войдөр,
Войпель быттьö мича мойдысь,
Чужан кылөн сьөлөм шонтысь,
Кодзув öзтысь. Коми кылөн
Сьылö кодзув матын, ылын...
Тайö помтöм-дортöм инас
Олөм ловзьö, ловным инö.

Коми сылан вежа садйын,
Тэысь өмөй коркө яндрі,
Тэнад мичтөг чусмас лолөй.
Өтитор мен сөмын колө:
Медым эськө уна нэмьяс
Чужанінөй олас.
Кевма!
Сем му овмөс, Семуковөй,
Мед оз рекмы няньыд-солыд.
Медым чужсяс тан бур войтыр,
Мед оз векняв гортлань ордым.



ИЧӨТДЫР

Ичөтдыр, тэ кытчө колин,
Кытчө дзебсин, кылалін?
Майбыр, ай-мам бордъяс улын
Кургим-олім, вугралім.

Өні сөмын казътывлыны
Коли шуда челядьдыр,
Вильшасьөмөс, исласьөмөс
Мыш кузяыд, Ольö кыр.

Чужанінöй, шудаинöй,
Шонты менсьым сьөлөм шөр,
Айöй, мамöй – шондібанöй,
Кор нин гортö вола бөр?

Тіысь меліыс да шаньыс
Му пасьтаыс морт оз сюр,
Сиа тіян дзоньвидзалун,
Горт гөгөраным тыр-бур.

Кыдзи лунлы колö шонді,
Пемыд кадлы – төлысь би,
Сідзи, ай-мам, челядьныдлы
Коланныд быд кадö ті.

Юрси йывсянь кок улөдзным
Тіян, ай-мам, копыртчам,
Мыйта кодзув енэж вылас,
Сы мыйта и бур сиа.

* * *

Воим, воим гортö.
Муса мам-бать ордö.
Мамук, сьölöм бердад
Шонтышт менö, шонтышт.
Вердышт, батьöй, вердышт
Мудзöм лов бур кывнад.
Ывла, югид ывла,
Пемыдöдзыд дыр на
Кыясь öшинь сайсянь,
Шуда йöзöс аддзан.
Гусятор ог видзöй,
Лок-ы, вошйы татчань.
Тöдлин öд нин, кывлин
Йöз олöмысь уна.
Сакар-солөн сылö
Муыв войыс-луныс.
Он и тöдлы, кыдзи
Синтö куныс пемыд.
Ывла югид тöвнад
Кöч бöж кодь жö дженьыд.
Эновтан кор мутö,
Ставыс пö тай вунö.
Ывла югид кольö,
Мортыд волö, мунö.

* * *

Семуковö катысь Оль кыр,
Улöдз жö нин тэныд копыр,
Ен пельöсöй, менам майöй,
Шондiбанöй, му выв райöй,
Тупу вужйöй, дона айöй,
Сус пу сисьöй, муса мамöй,
Льöм пу дзоридз, менам чойöй,
Лов тыр шудöй, дзебас дойöй.
Рытъя кодзув ичöт пиук,
Вир тусь алöй енэж тыын.
Пöль-пöч лов ру вөр-ва кывйын.
Пышйысь кадыс Енлөн тывйын.
Тувсов кыа сывйын лолöй
Кусö ньöжйöникөн, полiг
Кольны лöз синъяса кодзув,
Енэж югөр му выв соддзын.
Мыйта муслун сьölöм видзö!
Майбыр, инöдны эм кытчö.
Аскöд нинöм тась ог нуöй,
Муса войтыр, чужан муöй.

ПИЛЫ

Мед съёлөмад дой оз коль вурис,
Кор муслунсьыд кольмылас юрыд.
Мед шуштөм кад вынтө оз орөд,
Мед отсалө Енмыс, кор коран.
Сьөд шог мед оз пазөд, оз личкы,
Мед кокни шуд йирө оз кыскы.
А лов вылад лоө кө сьөкыд,
Мам кевмөмтө казытышт, ме тэкөд.

* * *

Медводдза кывбурёй пиуккөд чужтыссис,
Кыкысь мам лои сэк, кык кага уднысьөн,
Пестуйтлі, мевйөдлі сё зарни пиукөс
Мам сьөлөм би пытшкын шонтыштөм киясөн.

Енбиа музаөс, ловьюгыд ныланөс,
Лелькуйтлі мусаөс чужан му сьыланөн,
Лайкйөдлі кыкнансө небыдик сывъясын...
Зэрөн кад мыссьывліс, киссьывліс лымъясөн...

Быдмис нин пиукөй, өти шань асылө
Бордьяяс, лэбыштас, өдзөс он тасав нин.
Бур талан нылукөй регыд жö эновтас,
Югдыштас кодзулөн пемыдлөз енэжас.

Лэбөй, ог көртав ме тіянөс борд улө,
Ен сетөм торъясөй, енбиа-бордаяс.

* * *

Кынтö э́тадзи,
Гашкö, кöдзыдыс,
Гашкö, пузчужöм
Еджыд муслуныс,
Гашкö, мырддьöм шуд,
Гашкö, мыжтöм мыж,
Гашкö, бурдысь дой,
Гашкö, пöрöсыс,
Гашкö, тöрытья
Быгъя ырöшыс,
Гашкö, тöвйыны
Кольччöм гожöмыс?

А со э́стöнi,
Еджыд туй бокас
Ичöт тупылюк
Тапсьö толаас.
Дiна́с маму́кыс
Писö öлөдö.
Менсьым матыслысь
Аслас ылиö
Еджыд вой тöлыс
Лолöс тöлөдö.

* * *

Ме видзöда чуймöмөн
эзысьөн серпасалöм öшиньö,
Вöсни шебрасөн гартчыштöм енэжö
Да аддза: лым чирьяс моз ыпйышталысь
кодзувьяс
Дзирдыштасны, быттьö аддзысьласны
Здук öта-мöдыскöд и сылыштасны.
Со коймöд, нельöд...
Но кысь нö, кызди нö ме верма
Синмавны тыдавтöмсö?
Öд енэжыс шебраса.
Гашкö, му вылö небыдика вольсасьöм
толасьыс,
Кысянь тöдчйтöм еджыд шöвк поскöд
Кыпöдчöны енэжлань
Миянöс энöвтöм ловьяс.
Югдыштлöны медбөрья чолöмөн
Да ньöжйöник ылыстчöны, вошöны пемыдас.
А, гашкö, тайö ичöтик кодзувьясыс
Енмөн ыстöм,
Чужсьытöм на сöстöм ловьяс
Лэччöны кокни лым чирьясөн,
Медым шонтыны, югзьöдны чужан мунымöс?
А, гашкö, тайö аслам лов биöй вуджрасьö,
Лöсталö öшиняс.
И ставкöд öтвылысь радлö быд локтысьлы
Да шогсьö быд муныськöд.

* * *

Тöлысь пыж вылын пемыд ваті,
Олöм гы вывті сыні-каті.
Каньлөн синъясөн ваыс вощьö,
Сюзылөн буксöмөн гыыс ноксьö.
Вывлань сыныштчи енэж йöрын
Аддза, буалö съöd öш скöрысь,
Мыні чеп йывсьыс – ставыс шöри!
Вöлі лов тупöсь – коли шöрöм.
Сё во дзайги ме топыд кадлысь,
Лэпти öти джын адысь, вадйысь,
Кайлі мöдысла югыз райö,
Бара му вылö аскöд вайи
Грек и вежалун гажа майö.

* * *

Код и сетлө миянлы
Тувсов ва моз виявны?

Аттьö.

Код и сетлө миянлы
Шудтор, лэбач кианым?

Аттьö.

Öтка луньяс мөдөдлө,
Синва сорөн көтөдлө.

Аттьö.

Выньяс сетлө миянлы
Шогсьöм сотны-биавны.

Аттьö.

Личөдны мед мудзöм лов,
Югыд эскöм ыстö: «Ов,

Саддьöн».

Кадөн – зарни сунисөн
Йöзлысь олөм туйнысö

Каттьö.

* * *

А шуд войт вөрзьөдіс,
Сьёлөмөй кодзулөн йөгзьө
Лөз синвасьыс.
Рөштваса коз моз ме тода нин
Шог петом радлунлөн синьясысь.
Юмов дой вуджрасьö пыдöсас.
Лов петан öдзöс он каличав...
Матыстчö тöдлытөм маета...
Омөльсö жаляддза,
Ен водзын каитча...



* * *

Арся ыркыд чöлас эськö ылавны,
Кад нин воис радейтны мен велавны
Кусысь мичлуныдлысь пемыд зарнисö,
Усьысь лымчирьяслысь кокни гартчöмсö.
Нормöм сьыланыдлысь дзебас шоглунсö,
Мыйöн тунавлан тэ тöвлысь локтöмсö.
Жыннян шыладъясöн кывсяс воöмыс,
Шойна вылад кыптас еджыд овмöсыс.
Югыдінас выль во кутас сьылöдны,
Мунысь кадсö юмов вöтөн кылöдны...
Сöмын воас тулыс, вежöд койыштас.
Зарни, эзысь мыйта со и олыштас...
Гажа сёрни ловзяс кыдзлөн, пожöмлөн,
Öзьяс чужан му сё рöма гожöмөн.
Со тэ, олöм, помасьлытöм вабергач,
Кöні кувлöм шойччöг пыдди – гашкö, тадз.
Кокни мöвп да видлы ськöд бурасыны
Сэк, кор муса морттö гуö сюясны.

* * *

Кык пу костö ылалöм гортса садйын,
Креста туйын сулала, быттьö вадйын.
Лун-вой төвзё-гылалö кыз пу гарйөн,
Усьöм корйөн кылалö кадыс арыыв.
Веськыдвыв ни шуйгалань, водз ни бөрö,
Нетшыштчыны, эськö, мен сёлöм көрö.
Вөрзыйвтöгыд төдлан мöй, мыйла волін,
Кодлы, көні медьёна бур ног колін?
Рытя кыа шөвкас мен, эськö, сывны,
Войков пыжын асывлань чöла сынны,
Шоныд руөн лунсёв жар пачысь мынны,
Öшкамöшка енэжлань мусянь кыны,
Ен пи моз жö веськыда вывлань кайны,
Сöмын зэв на крепыда кутö ай му.

ЛОВ ВУЖ ПУ

Кыдз медся матыс мортөс
Пыр ставысь ёна дойдлам,
Ме кыись лов вуж пуой
Сьод льём тусь вирой ойдліс.
Эг гөгөрво ме сэки,
Мый олём вужным миян
Оз торъяв өта-мөдысь,
Мый ассьым лолөс виа.
Сьод синвасө ме өкті,
Дзик өти тусьөдз воті.
Эг юантор өд лөсьөд.
Став көйдыстө өд соті.
Ме бытьё этшысь петём
Став олём чашйи-рази,
Мед ассьым дой ни тэнсьыд
Нем бөрас нин эг казяв.
И мый нө өні? Со тай
Сой бордным кысьё муөд,
Но тувсов мойдыс воас,
Бөр ловзыштас ань пуыд.
Сё дзоридзысь шань шонді
Тэн юркытш ваяс кияс,
А менам кудри юрө
Кад содтыштас дзор сіяс...
Ок, сьөлём шөри орө!
Ме! Мыжа ставсьыс! Ачым!
Ог төд, кыз корны прөща.
Со локті...

– Кыла, аддза...
Льём руд синьяссö лэдзис
Да чышкис синва: «Тырмас.
Ме тэнад лов пу, нылö,
Тэ оран, сьöмöс тöрмас.
Лок, кутыштлы вай менö,
Да сэсся ог нин бöрдöй.
Ме тэнад му выв андел,
Кöть сьöда-еджыд бордöй».



ОЛӨМ ПАСЬЯС

Сьөлөм сета, коля налы,
Коді ун пальөддіс згалөн¹.
Потшөс дзирья водзө брутсис,
Гарыштіс: «Тэн мый, оз мунсьы?!
Петін – пырсис, эн и пыксьы!
Сера изйөн татчө пуксьы
Пыкөд пыдди, видзны лача,
Мый он бөрынтьчы нин. Аддзан?»
Сьөлөм бытшкөд – олөм пасьяс:
Лудьяс, нюрьяс, кыддза расьяс,
Сикт, кар, войтыр...
– Вунөд!
– Вунас?
Бергөдча!
Он, водзө мунан!
Асшөр туявлытөм туйөд.
Он-ө коркө кадсө суөд?
...Олөм вой пыр, лун пыр муна,
Кымын йөз пас, аслам – уна.
Кышөдсө лов пыртлас унлы,
Ачыс синсө көть оз куньлы.
Вөт сэсь вөтлас мудз бур тун моз.
Войыс кольө чөскыд ун моз
Мукөдлы, а меным мунны,
Лолөс нуны, вежөр нуны
Слөт пыр, воча лымлы, зэрлы,

¹ Згалөн – өти здукөн, крута (Улыс Эжваса сёрнисикасысь).

Паныд төдтөм му сай эрдлы...
Сьөлөм бордья чери вартчө:
«Мунысь, мый тэ колян татчө?»
Тэнө, зарний, Ен тыас
Бур морт көсйөм медем збыльмас.
Нөшта коля коми сылан,
Гашкө, кодкө ме моз сылас.
Воськов, мөд – дай вуджяс Ен тас.
Ловзяс изйид.
Кок туй вевтгяс шоныд ру.
А сэсся лысва мыськас ставсө.
Туй ни синва.



* * *

Ме коля шогӧс войлӧн пемыд гуӧ,
Мед муслун, шудыс тувсов лунӧн туӧ,
Мед гажа шонді ворсӧ миян синмын,
Веж пӧлӧзнича рӧма чужанінӧй.
Збой йӧлӧгаӧй, вынсьӧд мыла гӧлӧс,
Вай садьмӧдам став маті вӧлӧсьт!
Тэн, тӧдтӧм морт, тэн, кодӧс кыла асӧн,
Пӧсь чолӧм ыста нэмьяс пыр: «Бур асыв!»
Мый вермӧ ёнджык небзьӧдны морт ловтӧ?
Мам кыв, кӧн шондібана асыв, ёртӧ.

* * *

Öти пиös чужтылі, öтикös и быдтылі,
Öтчыд верös сайö петаvны и ыштылі,
Кисьмöm озйөн сэсся киссьöm олöm йöрын
Сьöd ар киö коли ставсö воштöm бöрын.
Гартчыліс көть гөгөр уна бур и лёкыс,
Кужлі йöзкост гажын пальöдыштны шогös.
Воттöm озйыд ар пом вир тусьясөн киссяс,
Озьяиныс зэрөн медбөръяысь мыссяс
Да öд югдас коркö, волысь-мунысь арыд,
Мича дзоридзьясөн юрьяс лэптам бара.
Лолөн ог на усьöй, кольöмны на вужьяс,
Гöрддзасям да лэдзам сöстöминик тусьяс.

* * *

Тэ воин, тулыс, ме эг и казяв,
Кызд Эжва юлөн лөз синмыс вазис.
Со өні вөлись син ёрны пондіс
Виж юра дзоридз – сё ичөт шонді.
Лымъеджыд туйөс веж турунвижөн
Том асыв мавтіс, мед эг чайт дышён.
Ок, югыд ывла, кызд ме эг казяв,
Тан гөгөр шонді, ме пыр на пася.

* * *

Олөмөй, тэ тай виччысьём кодь.
Мый и вичча,
Кодёс вичча,
Мыйысь виччыся?
Мый но лоо сэк,
Дугда кө?

КЫЛАН-Ө?

Ас вывсьыд бустө вай, кустөм лов, пыркнит да
Веськөдчы, паськөдчы енвевтув ыркыдас.
Өзьяна кадас мый сись моз и виялан?
Лиалан кадас код тэ пыдди лиалас?
Медпөтөс, медьюмов, медчөскыд кывьяссө,
Меддона, медьюгыд, медмича шыяссө
Коді нө чукөртас, сысьялас, вийөдас,
Коді нө сьөлөмөс бурмөдас, сиөдас?
Збыль кө тэ кувлытөм, олан-ө, вылан-ө?
Мыйла нө лажыньтчин, йөжгыльтчин?... Кылан-ө?

* * *

Гашкӧ, шогыс кыскис ӧта-мӧдлань,
Ӗткалун-ӧ кресталыштліс туй.
Медым ставыс муніс югыд вӧтлань,
Кӧдзыд видзӧдласа синьяс кунь.
Пӧрччӧд мӧвпьяс, кывьяс, личӧд чӧлӧс.
Дзебас кӧсйӧм грека ловсьыд чӧвт.
Муслун кӧрыс, рӧмыс кымын пӧлӧс...
Вежа ылӧдчӧм. Ен вӧля. Кывбур шӧвк...
Эзысь венеч пыдди пуксис войыс.
Ай да инь, мый выльсӧ корсян тась?
Кадӧн сідз-тадз серпасалӧмторьяс,
Олӧм кийн картіасян масьт.

* * *

Ылөдны асьтө тэ сөмын и вермин.
Со тай ас тывъясад, жальöй, и йөрмин.
Ловтырнад кышөдчан кампетлөн кышөн,
Синъясö уськөдчан раминик шышөн.
Гусялін асывлысь банйыштөм кыа,
Вежөрсö воштылін томиник нывлысь.
Верөслысь бордувсö куштивны кужлін,
Лэбачлысь – дзользьөмсö, бисерсö – пужлысь.
Мыйкө, дерт, аскөдыд ковмас жö нуны,
Чöv-лөньюс сьölöмысь гуны эн вунөд.
Вомдорнад синваös сөмын эн косьты,
Видзөдлас югзяс да лоас сэсь ёсьджык.
Мөдін? Мун. Ставсö-ö аскөдыд босьтін?
Солассин? Юмсö мед мөдлаысь корсин.

* * *

Кык төдтөм ловлөн осьса лунёй,
Ун быдөн пось сывъясад вунлө.
Ог орөдчы, но кокни кылөн
Лов доналас и лэбзяс, кылан,
Мед ыркөдчыштны, мукөд динё...
И бара кольё ютөм вина
Яд пыдөсөн. Он кушт, он койышт,
Сэн биён ворсө сёрни коляс,
Лов вуджөръяс сэн съөд-гөрд вояс
И гректөм шудлөн осьса дойыс.

* * *

Юалан, мый кера?
Видзёда да аддза,
Кыдзи олём гөгөр
Сера вёньён гартчө.
Котөртө том нылөн,
Пёрысь пөчөн тапсьө,
Синва петтөдз котсьө,
Бөрдём сорён ваксьө.
Юалан, ме көні?
Көнкө олём шөрас,
Кытчө быд морт волө
Нелямын ар бөрас.

* * *

Батьö шуис: öти – крут, мöдыс – доймысь,
Кызд тi кутанныд, кык чой, митöг овны-с?
Ас пытшкын öд, мися, пыр видзлi дойсö,
Öбидаяд öмöй грек, мед сэн ойзö.
Ёг ни лöп ас синсьыд пö он тай аддзы,
Весьшөрö эз шулыны важ йöз тадзи.
Вывтi стöча, кызд и век, индiн, батьö,
Омöльлунöс менсьым тэ, сё дас аттьö.
Сöмын лажмöдö крут кыр кадыс ва моз,
Муслун шонтас сьölöм шөр, дойыд ямас.
Эн на шогсы нинöмысь, муса мортöй,
Андел бордув миянлы чужан гортöй.

* * *

Комын көкъямыс, а кага унмөн
Мам-бать ордын чөсмасьлө на лов.
Челядь руа, маа сынөд юмөн
Сьөлөм бурмө, мөд нур оз и ков.
Казьтивнысө, сідзкө, меным водз на,
Ловъя шудөй, водзө ов на, ов.
Ловъя ватө юкмөсысь моз содзнам
Бурпөт юа, умөмысь ог пов.



Сьёлём, кывзыв, видзышт, инё,
Мөвп дзирдьясёс шоныдінад.
Кок вылысь тай личкис унмыс,
Здук-мөд кежлө ойбырмунла.
Вөтнад быдлаё тай волан,
Ачыд узян, лолыд олө.
Кокни ватланьяс ме босьта,
Шонді мамлань ньөв туй ёсьта.
Вөр сай лэччыла да кая,
Муслун ватлан тырыс вая.
Сэсса, енэжтас көн югдө,
Мывкыд гумовтышта шудкөд.
Енбиторла ыста лолөс
Сэтчө, кысянь югдө олөм.
Садьма, ватланьясыд кушөсь...
Мойдчыны тай со и кужа.
Вөтыд – вөт, а збыль кө шуны,
Оз ков, майбыр, ылө мунны.
Чужанінсьыд сьёлём тырөн
Гумлав муслун, да эн бырөд.
Видз, кыз шонді долыдлунсө,
Кызди төлысь мулысь унсө,
Видз, кыз ывла еньюгызсө,
Чужан му да ай-мам кывтө.

МЫЙ ТЭ КЕРАН?!

– Мый и керö, бур таланыд,
Став олöмыс гуга-бана!
Сьölöм сиöдысьыд көні?
Мöдкөд, көнкө, шуньгö öнi.
Уджалан да мый и выйим?
Няньтö мавтны абу выйыд.
Олөм тэнад! Босьтö шемөс,
Кывбур виччö, быттьö Енмөс.
Ыджыд шуд тай, но и чужсяс,
Кодлы сэтысь пемдас, югзяс?
Кок йывсьыд öд тадзи пöран,
Войбыд олан, мый и керан?
– Кута сись, мед тэ эн янсöд
Гозйöн олысь гуг да бансö!

Йиджөдөн-йиджөдөн водөмны туйяс,
 Кык пыдди нель визь со, ставыс кок туйяс.
 Öти пом – пемыд съөд, мөдыс – лун еджыд,
 Коймөдыс – рытив туй, нельөд – вой вежысь.
 Кытчаны и сетчыны, көні мый виччө?
 Чизыр төв войвылын гытьялө-видчө:
 «Пөсьода, колөк пө, скөрма кө – кынта,
 Йизьода, збыльысь өд! Мусман кө, сывда».
 Асья төв югзысь шөрт дзугөма бара,
 Колөкө, разян пө, уна он гарав.
 Эстөні лун төв со бурлак моз шөйтө,
 Корся пө аслым пөв, аддзөма йөйтө...
 Рөмдөм бөр ылькнитас рытив төв – куття,
 Небыда вольсалас, чорыда узьсяс.
 Креста туй, вожа гач, бөбйөдлан дыр-ө?!
 Виччан, кор эбөсөй дзикөдз нин бырө?
 Доддяв вай төвьястө! Полөм нин вені,
 Му вывті, ва вывті нулөй, а сэні...
 Ворсся кө тіян зэв, мед на и ворсся,
 Ылавла, ыджыд тай, туйысь ог торксьы,
 Ыркыдад – көдзышта, пыркнитча тайкө,
 Креста туй бокас на тылаыд, айка.
 Гортысь кө гажтөмтча, Сем мулөн йөрыс
 Сэні жө, майбырөй, креста туй шөрас.
 Вөжжияс зэлөда, бокнытө шонта!
 ...Мый эськө, сьөлөмөй, тіралан, ёнтан?

ВЫЙСУК СОРОН ОЗ-Ө КОРАВ?

Локтін? Корасьны-ө, мый-ө?

– Сідзкө, радейтан? Сё, кыйи!

Курччысис-ө мый-ө кывйыс?

– Сылі, ок, и пось на сывйыд.

Баба нэмөй, эськө, кузь на,

Кыкнад, дерт жө, овныд-узыныд,

Гашкө, тэ сайө и петны?

– Мый нө?

– Кокни кывнад летны.

– Кывзы, гөтрася, дай ставыс!

Тавой лоа шуда ставысь,

Вая тэнө, пырта гортө,

Сөмын өткалун тай бордө

Сакасьома, быттьө мусук...

Торйышта ог?

– Ю вай выйсук.

– Мый тэ, чөв ов, гыркйын лёкмас.

– Тадз кө, Манька Ваньлы шогмас!

– Сё мор, эсийө, өти жырийө,

Гашкө, воам ружтігтырийи...

– Ог кө нин а...

– Мый нө сэсса?

– Дзуртан крөватяд мун пессьы!

– Скөрма!

– Вешйы! Мый тась кыян?

– Выйсук.

– Мый?!

– Вы-вый-сук...

- Кыяв!
- Кисьтышт.
- Юан?
- Юа.
- Мөсей!
- Вольпасьсö мун öдйö лöсьöд,
Гырк висьмытöдз, гашкö, усьлам?
- Бара асьыд?
- Мун, эн усьлась!
- Мый нин?
- Выйсукöй тай курзис.
- Муна! Ывлаыс бөр югзис,
Вөрöдыштны эз и сетчыв...
- Мун вай, васа дорö лэччыв.
- Ак тэ, Манька, öча-мöча...
- Ачыд сэтшöм, мун да кöчась!



ГАШКӨ, ТАДЗ И ВӨЛІ

Аттө, сё кызь мокой,
Некыз син оз куньсы.
Кытчө бара тавой
Крукыштісны унсө?
Гашкө, тыртіс лымйыс,
Гашкө, төлыс нуис,
Гашкө, шыдын пуи,
Гашкө, тшайөн юи?
Мый нө тайө лои,
Югдан кад нин воис.
Вайлы шыдтор сёя.
Пемыд на тай войыс.
Водла, синмөс куня,
Оз-ө лок да личкыв.
Ок, екуневане!
Вит час, код кысь пычкис?
Кокни кокөн пырис.
Юмов вөт кодь, збыльысь.
«Час-мөд миян тырмас,
Сэсся вола выльысь...»
Ок, и крепыд сывйыс,
Сьөлөм быттё сылі.
Бордьясьлі ме, нывьяс,
Лэбалі да сьылі.

Лежнӧг моз емыштлысь,
Долыд нюм петкӧдысь,
Лун-войӧс, шуд-шогӧс,
Гуг и бан бергӧдлысь.
Ок, эськӧ, кужны кӧ
Видзны, мый поздысис,
Сьӧлӧмысь муслунтӧ
Вежалысь ортсысьыс.
Кольӧм кад локтыськӧд
Здук-мӧдӧн соралысь
Саймыштӧм муслунӧс,
Шаньлунӧс коралысь.
Нюм сайӧ дзебышта
Лов вылысь нормӧмӧс,
Некодӧс бӧрас
Эг дивит мед сӧрмӧмысь.
Сьӧлӧмӧй менам,
Ло мывкыдӧн, повтӧмӧн.
Эн жӧ коль, витӧмӧй,
Битӧмӧн, овтӧмӧн...
Май тӧлысь сэтчӧ мед
Пыр кежӧ вольсасьӧ,
Зэр юмов винаӧн
Сэні мед солькьясьӧ.
Сьӧлӧмшӧр, кувлӧм
И ловзьӧмысь орӧдчам,
Помасьтӧм тулысас
Пыр кежӧ овмӧдчам.
Муслун кӧн дзордзалӧ,
Абу сэн пом ни дор.
Шудтӧгыз мортыд ӧд
Аслыс тшӧтш ковтӧмтор.

Гажтöма дзоргöны öшиньяс – синьяс,
Восьса пу чужöмсö воймöдiс дой.
– Эновтан? Эмöсь, дерт, кыпыдджык иньяс,
Кöть, эськö, абу на ме керка шой.
– Тöда, мый вошта ме, ог тöд, мый аддза,
Кöсйöмöй збыльмас кö – бур, оз кö, оз.
Кодкö мöд ме пыдди поздыяс татчö,
Дас во чöж шонтылöм öтка кöк поз.
Мыйта тэ борд улын бöрдлi ме, сыввлi,
Радейтлi, воштылi муслунöс, ок...
Югыдөн колян ме сьölöмын, синмын,
Ог кö нин мöд йöз бөр тэ дiнö лок.
Пöжöм йöv ру сайö мойдын моз воши
Ставыс, мый мусмылiс: керка и пос.
Аскöд ме босьтыштi Айкинса гожöм,
Пелысьлысь некымын гөрд биа роз.

* * *

Тэ – шуда, сійö – шуда.
Мен кольны тэнö кокни.
Тэ кольчы. Мунны кута
Да мөвпышта: «Ог лок нин...»
Тадз талун. Сöмын аски
Гаж бырö сэтшöм ёна,
Мый оз кут весиг дас ки
Тэ сьölöмөдз бөр воны.



Абу кокни тэтөг тэнадөн мен лоны.
Кужин, коми чиган, сьөлөм вылө воны.
Эжва кузья-пасьята мывкыд муслун сиа,
Югдыштны мед войтөн тэнад шоньд киад.
Лолөс тувсов руын мыська синва сорөн,
Медым шудөй тэлань писькөдчис сөдз шорөн.
Нель төв вылын шогтө төлөда, мед сылө,
Оберег тэн кья мелі коми кылөн.
Гожся шонді дзирдөн нэм кежад тэн коля,
Сьөлөм пырыд муна, воша вөрса ёлын.
Еджыд юсьяс кельөбөн моз, он на бырөд,
Лэбзя тэлань, сьыланъясөн лолад пыра,
Веськодь, кутшөм инө, веськодь, кутшөм кадө,
Му вылын кө – му вылө, дерт, рай көть адө.
...Ота-мөдлы дона, виччысяна торйөн
Волам на вай паныд, сөмын сэк көть торйөд,
Төдмав мукөд пөвстысь, мусаөй тэ менам,
Вылысь мед эз чужны кывъяс: «Тэтөг тэнад».

Олөмөс ог эндөд, некодлы ог вежав,
 Кодлы ме ог шогмыв, сэтшөм йөзыс этша.
 Сьөлөм, лов да вежөр эз на тшыкны дойсьыс,
 Майбыр, ог на лыдды Ен сетөм лун-войсө.
 Йөзкост коми гажсьыс эг на мудз, эг көдзав,
 Югдывлө на кодзув пемдөм енэж рөчас.
 Унатор на водзын, ен могысь и вичча,
 Сьөлөм шонтө сьылан, сөмын дой оз личав.

ТЭ ВИДЗӨДЛЫ

Эм на пытшкын веж парманымлөн рөм
И енэжыслөн кыпыд асья югыдыс,
И вильыш шонді югөръясыс тшем!
Эм весиг раммөм төвлөн шупыдыс
И тувсов лунлөн визув югыд лөз,
Гөвк еджыд войлөн гожея шоныдас,
Туй кадлөн – син пыр мунысь дзик съөд звөз,
Сёр арлөн пемыд-рудов онюжыс.
Со кутшөм озырлун өд, чужан му,
Тэ видзан коми аньлөн синъясын,
Шөвк видзөдласыс быттьö лөнь сөдз ю,
Мый нимкодясьö шонді діясөн.
Сё майбыр, ставыс, ставыс сэні эм,
Мый кыскö ас дінас, мый югзьөдö,
И шаньлун козинөн, босьт, оз ков съөм,
И коми гаж, мый съөлөм юктөдö.
А шудыд, збыльысь, войт и колыштö,
Здук видзөдлан, а шойччыштан и шоныштан
И, колөк, дырджык кө на олыштан,
Сэн, муслун шөрас, быдөн томмыштан.
Тэн нюммунасны төдса синъясыд,
Сэсса восьса парма саридзö
Друг исковтасны визув сынъясөн,
Но ньöти та йылысь ог жаляддзö.

* * *

Майбыр шу, көть ой-я, кодзув пестун лои,
Мед оз кус ли чусмы, сэсса куш и пов нин.
Резьдём дёмла олём, бара шөри съолём,
Ньоти абу юмов тэ тай менам вёлём.
Бара бөрдны, сывны, войбыдъяс не узыны,
Пемыднас вöймём кодзув вермас усьны.
Енэж пыді джаджъяс ичөтик и эм на,
Бымыштан да югдан, энлы ёна тэрмась.
Чуймөдана мичсьыд тані, веж му вылас,
Кымын бур морт съолём ыркавлас на, сывлас.
Сөстөм енбиторйөс олём ру оз пемдөд,
Өти войт өд сійөс, майбырөс, ог эндөд.

* * *

Кывбурёй менам, медматысса ёртёй,
Сьёлём, лов шонтысьёй йёзын и гортын.
Ворслі ме тэён, кор шогси, кор вошлі,
Серавлі, бёрдлі и еджыд туй корсьлі.
Тэнад нор сыланён төлысьён пукси,
Тэнад бур кыланён шондіён югзи.
Восьса лов, кад нин, лок йёз дорас петам,
Пуксьылам туй водзын, сэсса и мёдам.



ЮРИНДАЛЫСЬ

Чужан муёй.....	3
Лов лэптанін	4
Ичөтдыр	6
«Воим, воим гортё...»	7
«Семуковё катысь Оль кыр...»	8
Пилы	9
«Медводдза кывбурёй пиуккөд чужтыссис...»	10
«Кынтё этадзи...»	11
«Ме видзёда чуймёмён...»	12
«Тёлысь пыж вылын пемыд ваті...»	13
«Код и сетлө миянлы...»	14
«А шуд войт вөрзьөдіс...»	15
«Арся ыркыд чёлас...»	16
«Кык пу костё ылалөм гортса садйын...»	17
Лов вуж пу	18
Олөм пасьяс	20
«Ме коля шогёс войлөн пемыд гуё...»	22
«Өти пиёс чужтылі, өтикёс и быдтылі...»	23
«Тэ воин, тулыс, ме эг и казав...»	24
«Олөмөй, тэ тай виччысьём кодъ...»	25
Кылан-ө?	26
«Гашкё, шогыс кыскис өта-мөдлань...»	27
«Ылөдны асьтё тэ сөмын и вермин...»	28
«Кык төдтөм ловлөн восьса лунёй...»	29
«Юалан, мый кера...»	30
«Батьё шуис: өти – крут, мёдыс – доймысь...»	31
«Комын көкъямыс, а кага унмөн...»	32
«Сьөлөм, кывзыв, видзышт, инё...»	33
Мый тэ керан?!	34
«Йиджөдөн-йиджөдөн водөмны туйяс...»	35
Выйсук сорөн оз-ө корав?	36
Гашкё, тадз и вөлі	38
«Лежнөг моз емыштлысь...»	39
«Гажтөма дзоргёны өшиньяс...»	40
«Тэ – шуда, сійө – шуда...»	41
«Абу кокни тэтөг тэнадөн мен лоны...»	42
«Олөмөс ог эндөд, некодлы ог вежав...»	43
Тэ видзөдлы	44
«Майбыр шу, көть ой-я...»	45
«Кывбурёй менам, медматысса ёртёй...»	46

Литературно-художественное издание

Надежда Мисаиловна Павлова

СОЛНЕЧНОГО УТРА!

Стихи

На коми языке

Составитель В.В.Тимин

Художник Л.Ю. Щербакова

Редактор П.И.Симпелев

Художественный редактор В.Б.Осипов

Корректор В.Н.Зварич

Подписано в печать 17.08.2006. Формат 70×90¹/₃₂.

Гарнитура Коми Times. Печать офсетная.

Усл. печ. л. 1,755. Уч.-изд. л. 2,0. Тираж 500 экз. Заказ № 11572.

Коми книжное издательство.

167982, г. Сыктывкар, ул. Карла Маркса, 229

Отпечатано в ОАО «Коми республиканская типография»

167982, г. Сыктывкар, ул. Первомайская, 70



Надежда Павлова чужис Емдін районса
Семуков сиктын. Туискерёсса шөр школа
помалом бöрын велöдчис Перымса культура
институтын. Уджавліс Емдін районса культура
керкаын, челядълöн шöринын. 2004 восянь олö
Сыктывкарын да уджалö Коми национальнöй
гимназияын. Гижны да йöзöдчыны босьтчöма
школаын велöдчигöн на.

Коми небöг лэдзанін
2006